



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Auxibius Episc. 19. Februarii.

[urn:nbn:de:hbz:466:1-62968](#)

o) 126. (o

S. AUXIBILIUS EPISC.

19 Februarii.

*Non enim erubesco Evangelium,
virtus enim Dei est in salutem o-
mni credenti. S. Paul. ad Rom. c. 1.*

Auxibio patria Roma fuit, natales, & census patricii; indoles à primis annis in Christianam religionem prona. Tam nobilem civem in exilium, qui minimè debebant, Parentes egerunt. Cùm enim nuptias, ad quas hi pro imperio cogere velle videbantur, non posset aliter quàm fugâ declinare, in Cyprum abiit felicissimus exul. Nam fausto pede cùm in Marcum, Barnabamq; offendisset, ab illo fonte sancto tinatus, & Christianis junctus est. Mox Doctor pietatis ex discipulo factus, cùm primitias Deo sacrificulata Jovis peperisset, à Paulo magno Episcopus Soluntis est creatus. Mira dictu res, unicus Christi miles Auxilius totam sub jugum Evangelii urbem misit, & ne Auxibio careret, alterum Auxibium accivit, & Successorem in munere legit, consilium Deo probante. Nam fuit, cùm sub arbore somnum coepit hic Auxilius, & no-

ster

ster superveniens spectavit ingens formicarum agmen à latebris suis ad dormientē iter instituere, vatesque futuræ dignitatis caput ejus in coronæ formam ambire. Itaq; Auxibio Insulam reliquit Auxibius moriens. Tumulum ejus Asylon ajunt fuisse mortuorum. Quin cum ad hunc è Papho accurrerent XL. ab orco insessi, obvius ipse Auxibius his prodiit, & cedere sibi, ut æquum erat, è viâ dæmones fecit.

Ex Surio

M E D I T A T I O

In Evangelium.

1. **H**omo Christianus ea debet credere omnia, quæ sunt in Evangelio, debetque audire singula ejus verba, ut verba Jesu Christi. An verè, an firmiter credis omnes veritates Evangelii? An credis Iesum tuā causā mortuum esse, Infernum peccatores manere, & justos Parádizum? Ah! si verè crederes, sanè laborares diligenter, ut vitares infernum, & ad cælum pervenires.

2. Parum est, omnia credere, quæ docet Evangelium, bona opera accedant fidei tuæ necesse est; oportet, ut probes actionibus tuis, non habere te fidem mortuam, & vanam, sed vivam ac veram. Credis tu quidem, beatos esse, qui lugent, qui pauperes sunt, quia hoc legitur in Evangelio, nile

hilo

hilo tamen minus paupertatem, & luctum detestaris. Crux placet in aris, displicet in corde. Quousque facta tua fidei repugnabunt tuꝝ? Habe præmanibus Evangelium, præcipua ejus placita perpende, in eoꝝque Evangelio, ut in speculo, miserum statum animꝝ tuꝝ perspicies, atque dices cum S. Hieron. *esse Christianum, grande est: non videri.*

3. Ne pudeat te Evangelii partes suscipere adversus infideles, Hæreticos, impios, & solitoris viꝝ Christianos. Evangelii causâ totum sanguinem tuum, si expediret, profundere deberes: Attamen fæpè verbulo parcis, loqui metuis, dictoria times, dum expedit, impium os debacchans in Evangelium, comprimere. *Non erubesco Evangelium.* S. Paul.

S. EUCHERIUS EP.

20. Februarii.

Omnis, qui piè volunt vivere in Christo Iesu, persecutionem patientur. S. Paulus. ad Tim. cap. 3.

EUCHERIO nascituro Infulam Aurelianensem Angelus promisit; dedit deinde hæc Carolus Martellus; sed idem, cùm aureas calumniatoribus præberet, pessimo consilio ademit. Excepit Colonia exulcem parum jam morantem, quā in parte exilii potissimum